



Publicaziuns dalla vischnaunca, jamna 13

Damonda da baghegiar

2020-1010.000

Datum dalla publicaziun: 27 da mars

Il patron: Bergbahnen Disentis AG, Via Acletta 2, 7180 Disentis/Mustér

Il representant: Ipz Ingenieure und Planer AG, Via Lucmagn 7, 7180 Disentis/Mustér

Object: Sanaziun parziala dalla Via Soliva, parcella 3884, Via Soliva, 7180 Disentis/Mustér

Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 27-3-2020

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2020-1004.00

Gion Hosang, Via Pintga 2, 7180 Disentis/Mustér; remplazzament dil tanc per auas piarsas cun in sistem d'ina pintga serenera, parcella 3567, Mises Caischavedra, 7182 Cavardiras.

Disentis/Mustér, ils 27 da mars 2020

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou suandont project:

Nr. 2020-2021.000

Claustra benedictina, Via Claustra 1, 7180 Disentis/Mustér; lavurs da manteniment e midada d'intent dil negl da vaccas per il diever da nuorsas, parcella 2904, Sontga Gada, 7180 Disentis/Mustér.

Encunter quella decisiun san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 27 da mars 2020

Uffeci da baghegiar Disentis/Mustér

Nus sustenin il commerci indigen

Dapi **gliendisdis, ils 16 da mars 2020**, ei era en Surselva la veta da mintgadi stada eri. Quei ha immensas consequenzas per il commerci da detagl e la gastronomia. Durent che las grondas fatschentas untgeschan immediat sin lur canal online, han numerusas fatschentas en Surselva extendiu lur purschidas sin furniziuns a casa, retratgas ord scaffas da brevs ni creau in commerci online ed ina spediziun postala. Biars offerents miran da furnir il medem di e per ordinari gratuitamein. Nus appellein a tuts da semussar solidars cun nies commerci e da profitar da nos partenaris locals cun lur purschidas innovativas en quella situaziun speciala. Cun Vies sustegn sa nies commerci survivor quella crisa. Ensemen vegnin nus a dar damogn a quella sfida. Tuttas purschidas dil commerci e dalla gastronomia en Surselva en fuorma da carta anfleis Vus sut www.surselva.shop respectivamein www.grhome.ch.

Engraziel! *Regiun Surselva*

Suprastanza communal



Scamond general da far fiug el liber

En consequenza dalla situaziun extraordinaria en connex cul coronavirus (Covid-19) han il Cussegl federal e la regenza dil cantun Grischun extendiu cuntinuadamein las mesiras per impedir la derasaziun dil virus. Per reducir la resca d'in grond incendi d'uaul e cheutras d'ina gronda grevezia pils pumpiers e per lur organisaziuns partenarias, ha la regenza dil cantun Grischun relaschau **naven dils 25 da mars 2020 entochen alla revocaziun** sigl entir territori cantunal in **scamond general da far fiug el liber**. Excepiu da quei scamond ei la zona da habitar, aschinavon ch'ei sa vegnir observau ina distanza digl uaul da 50 m.
Suprastonza communal Disentis/Mustér

Generelles Feuerverbot im Freien

Infolge der ausserordentlichen Lage im Zusammenhang mit dem Coronavirus (Covid-19) haben der Bundesrat und die Regierung des Kantons Graubünden die Massnahmen laufend verschärft bzw. erweitert. Um das Risiko eines grossen Waldbrandes und damit einer grossen Belastung der Feuerwehr und seiner Partnerorganisationen zu reduzieren, hat die Bündner Regierung **ab dem 25. März 2020 bis auf Widerruf** auf dem ganzen Kantonsgebiet ein **generelles Feuerverbot im Freien** erlassen. Vom Feuerverbot ausgenommen ist der Siedlungsraum, sofern ein Waldabstand von 50 Metern eingehalten werden kann.
Disentis/Mustér, 24. März 2020
Gemeindevorstand Disentis/Mustér

Coronavirus

Encuretq voluntaris

La derasaziun dil coronavirus fatschenta nus las davosas jamnas permanentamein e las autoritads han decretau rigurasas mesiras per cumbatter quella pandemia. Nus intimein nossas convischinas e nos convischins da risguardar strictamein ils scamonds e las mesiras decretadas. En special appellein nus allas personas sur 65 onns da restar a casa e da semover ella publicitad mo cura ch'ei fa propi basegns. Nus savein buca tgei che spetga aunc nus. Per esser semtgai da porscher agid a personas che damondan persunter, encurin nus voluntaris. Nus supplichein personas che han la peda ed ein promtas da prestar survetschs (p.ex. cumissiuns, transports) da s'annunziar tier l'administraziun communal (tel. 081 920 36 36 ni admin@disentis.ch) cun indicar Vossas personalias e tgei incaricas che Vus saveis exequir. La finamira ei da disponer d'ina gliesta da personas che san vegnir contactadas en cass da necessitad.
Bien engraziament ordavon per Vossa solidaritad.
Stab da catastofas Disentis/Mustér

Lenna da brisch

Damondas per lenna da brisch (pégn ni fau) ein da far en scret entochen **ils 9 d' avrel 2020** agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér ni per e-mail; uaul@disentis.ch. Per plascher indicar il sortiment giavischau (lenna sort ni lenna fendida) ed il quantum. Sin giavisch vegn la lenna era furnida franco a casa.
Uffeci forestal Disentis/Mustér

Dismessa da rufid bloccont

Muort il coronavirus resta la **plazza da rimnada da rumien a Raveras naven d'immediat serrada**. Midadas da quella restricziun vegnan publicadas el «Fegl official Surselva». Bien engraziament per la capientscha.
Disentis/Mustér, ils 27 da mars 2020
Suprastonza communal



Controlla da habitonts

Mortori

Catharina Manetsch-Thomann, naschida ils 24 da mars 1926, morta ils 21 da mars 2020

Rimnada da pupi

La rimnada da pupi digl avrel 2020 croda!

Preziadas convischinas, preziai convischins

Cun l'ordinaziun federala 2 davart las mesiras per cumbatter il coronavirus (Covid-19) ei ina rimnada da pupi las proximas jamnas buca pusseivla: www.gr.ch/coronavirus. Nus supplichein Vus da tuttina rimnar il pupi. Vus vegnis informai dil niev termin da rimnada, cu la situaziun ei senormalisada. Sche pusseivel fagein nus il matg/zercladur ina.

Bien engraziament! Sperond sin Vossa capientscha salidein nus Vus cordialmein. Stei saun/-as!

Fin mars 2020 *Nossa scola populara Mustér, Ch. Berger*

Uniun fallun e cascharia Disla

Spustada dalla radunonza generala

Il niev termin vegn publichaus pli tard el Fegl uffizial.

La suprastonza

Uniun da dunnas Mustér

Dau giu – Abgesagt

Ord motiv dalla decisiun dalla Confederaziun da sistir tuttas activitads d'uniun, stuein nus dar giu tuttas occurrenzas **entochen ils 30 d'avrel 2020**.

Sistiu vegn:

la fiera da resti (27-3 e 28-3-2020), sentupada cun affons pigns e geniturs (26-3-2020), suentermiezdi da Pastgas (1-4-2020) e la vendita da candeilas da Pastgas. Nus sperein sin vossa capientscha e selegrein sin las proximas occurrenzas.

Durch die Entscheidung des Bundesrats, alle Vereinsaktivitäten zu verbieten, müssen wir alle Veranstaltungen **bis zum 30. April 2020** absagen.

Folgende Veranstaltungen sind dadurch betroffen:

Kinderkleiderbörse (27.3. und 28.3.2020), Treffen Eltern mit Kleinkindern (26.3.2020), Osternachmittag (1.4.2020) und der Verkauf von Osterkerzen. Wir hoffen auf euer Verständnis und freuen uns auf die nächsten Veranstaltungen.

Biblioteca populara Disentis/Mustér e contuorn

La Biblioteca populara Disentis/Mustér e contuorn ei **serrada entochen silmeins ils 30 d'avrel 2020**. Ei ha liug neginas occurrenzas. La biblioteca digitala, www.dibiost.ch, ei adina aviarta. Sche Vus haveis in abbonament dalla biblioteca, saveis Vus far diever da quella purschida. Haveis Vus interess vid in niev abbonament? Lu astgeis Vus bugen contactar nus via e-mail: biblioteca@disentis.ch.

Ulteriuras infos sut www.biblioteca.disentis.ch

Engraziel fetg per Vossa capientscha.

Il team dalla biblioteca



Die Biblioteca populara Disentis/Mustér ist bis **vorerst 30. April 2020 geschlossen**. Es finden keine Veranstaltungen statt. Die digitale Bibliothek, www.dibios.ch, ist immer geöffnet. Alle Besitzer eines Familien- oder Einzelabonnements können von diesem digitalen Angebot Gebrauch machen. Haben Sie Interesse an einem neuen Abo? Bitte kontaktieren Sie uns via Mail: biblioteca@disentis.ch. Weitere Informationen unter www.biblioteca.disentis.ch. Vielen Dank für Ihr Verständnis. *Das Bibliotheksteam*

Gruppa da teater Mustér

Muort la situaziun actuala ha la Gruppa da teater Mustér decidu da spustar il toc «Ina notg fatala» egl onn 2021.

Program da produziuns da teater

Venderdis, 15-1-2021, allas 20.15, emprova generala

Sonda, 16-1-2021, allas 20.15, premiera

Venderdis, 22-1-2021, allas 20.15

Sonda, 23-1-2021, allas 20.15

Dumengia, 24-1-2021, allas 14.00

Venderdis, 29-1-2021, allas 20.15

Sonda, 30-1-2021, allas 20.15, derniera

Nus engraziein per Vossa capientscha.

Semirei tier e stei seuns! *Gruppa da teater Mustér*